

VENDIM
Nr.189, datë 9.3.2011

PËR NDRYSHIMIN E PËRGJEGJËSISË SË ADMINISTRIMIT TË MJEDISEVE TË KATIT TË PARË, TË VILËS 2-KATËSHE, NË RRUGËN “XHORXH W. BUSH”, NGA INSTITUTI I INTEGRIMIT TË TË PËRNDJEKURVE POLITIKË TEK INSTITUTI I STUDIMEVE PËR KRIMET DHE PASOJAT E KOMUNIZMIT NË SHQIPËRI

Në mbështetje të nenit 100 të Kushtetutës dhe të neneve 13 e 15 shkronja “c” të ligjit nr.8743, datë 22.2.2001 “Për pronat e paluajtshme të shtetit”, të ndryshuar, me propozimin e Kryeministrit, Këshilli i Ministrave

VENDOSI:

1. Ndryshimin e përgjegjësisë së administrimit të mjediseve të katit të parë, të vilës 2-katëshe, në rrugën “Xhorxh W. Bush”, nga Instituti i Integrimit të të Përndjekurve Politikë tek Instituti i Studimeve për Krimet dhe Pasojat e Komunizmit në Shqipëri, sipas planimetrisë së dhënë në aneksin 1, që i bashkëlidhet këtij vendimi.

2. Administrimi i kësaj prone të paluajtshme bëhet në përputhje me rregullat e përcaktuara në legjislacionin në fuqi dhe në Kodin Civil, duke mos ndryshuar destinacionin e saj.

3. Ngarkohen Instituti i Integrimit të të Përndjekurve Politikë, Instituti i Studimeve për Krimet dhe Pasojat e Komunizmit në Shqipëri, si dhe Agjencia për Inventarizimin dhe Administrimin e Pronave të Paluajtshme të Shtetit për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha